



Inatsisartunut ilaasortaq Naaja H. Nathanielsen, Inuit Ataqatigiit  
MAANI

## **Fraser Institute pillugu § 37 naapertorlugu apeqqummut 2014-079-imut akissuteqaat**

Inatsisartut suleriaasianni § 37 naapertorlugu Fraser Institutip misissuineranut tunngatillugu matuma kingulianiittunik Naalakkersuisunut apeqquteqarputit, taakkualu matumani akineqarput.

7. april 2014  
Sagsnr. 2014-097881  
Dok. Nr. 1528738

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: [isiin@nanoq.gl](mailto:isiin@nanoq.gl)  
[www.nanoq.gl](http://www.nanoq.gl)

### **1. Fraser Institutip nunanik aatsitassarsiorfiusunik naliliinerani inissanik 9-nik Kalaallit Nunaata appariarsimanagera Naalakkersuisut qanoq nassuiarumavaat?**

Akissut:

Aallarniutigalugu erseqqissassavara Fraser institutip Kalaallit Nunaat nunanut allanut sanilliullugu aammaloorluni qaffasissorujussuarmik naliliiffigisimmagu. Institutip nunani piumasaqaatinut killissaliussanik ataatsimoortumik naliliineranut Policy Perception Index-imik taaneqartartumut atatillugu, nunanik aatsitassarsiornermik ingerlatsiviusunit 112-init Kalaallit Nunaat nr. 23-itut inissillugu naliliiffigimmagu, inissiffiusoq taanna tupinnaannartumik kusanartutut taasariaqarpoq. Isumaqaarpunga tamanna puiussanngikkipput.

Tamanna Kalaallit Nunaata 2013-imi decembarimi Europami aningaasaliisartunut aatsitassarsiorneq pillugu ataatsimeersuarnerit annersaanni "Mines and Money"-imi nunarsuarmi aatsitassarsiorfinnik ingerlatsinerimi nunatut ingerlatsilluarnerpaatut akissarsitinneqarneranut naapertuulluinnarpoq.

Eqqorpoq Kalaallit Nunaat 2012-imi nr. 14-iusoq. Taamaattoq oqaatigineqassaaq normu 14-itut inissinnermi nunat 96-it nunanut allattuiffimmiittut aallaavigineqarmata, normu 23-itulli inissinnermi oqaatigineqartutut nunat amerlanerusut katillugit 112-it nunanut allattuiffimmiittut aallaavigineqarlutik.

Kisitsisit inissinnerillu allanut sanilliussinermeersuupput, taamaattumillu maluginiassallugu pingaaruteqarpoq, Kalaallit Nunaat nalunaarusiami assersuutigalugu ukiuni 2010/2011-imi nunat 79-it akornanni normu 12-galuartoq taamaattumillu ukiuni taakkunani 2013-imi Kalaallit Nunaata nunat 112-it akornanni normu 23-itut inissiffigisaanut sanilliullugu pitsaanagerusumik inissisimagaluartoq, 2010/2011-imi ataatsimoortumik angusat (74,9 point) pissusiviusuni 2013-imut sanilliullugit appasinnerummata (75,3 point).

Ukioq manna Toronto-mi PDAC-mi aatsitassanut tunngatillugu nuisitsinermut atatillugu ilaatigut saqqummiunneqarpoq, immikkoortumut oqartussaasut aatsitassarsiorfimmik suliassamik anginerusumik akuersissuteqartussanngorlutik ikaarsaartoqarnerani, aatsitassanut tunngatillugu nunap inatsisinik atortitsiviusup inissisimanermini appasinnerulaartumiilertarnera nalinginnaalluinnarpoq, pissutigalugu ingerlatseqatigiiffiit immikkoortumi tassani avatangiisinik

illersuinissamut, inuiaqatigiinni piujuartussamik iluaqutaasumik  
sunniuteqartitsinissamut il.il. aalajangersimasorujussuarnik arlalinnik  
piumasaqaateqarfigineqalertarmata.

Eqikkaallutik Naalakkersuisut naliliipput inissisimaffinni qaffasinnerusumik  
inissisimaffeqartut akornanni inissisimaneq aalajaatsuusoq. Soorunami ukiut  
tamaasa assigeeqqissaamik inissisimanissaq anguneqarsinnaangilaq, kisianni  
neriunarpoq pitsaasumik inissisimaffeqarluni inissisimanissaq  
attatiinnarsinnaassagipput.

**2. "Policy perception-indeks"-imik taaneqartartumi ukiunut siuliinut  
naleqqiullugu Kalaallit Nunaata ajornerusumik inissisimalersimaneq  
Naalakkersuisut qanoq nassuiaatissaqartippaat?**

Akissut:


Siullermik pingaarnertullu apeqqummut 1-imut akissuteqaat  
innersuussutigissavara.

Tamatuma saniatigut ilaatigut oqaatigisinnaavara maleruagassiinermut  
atugassarititaasut allannguuteqarsimammata, soorlu avatangiisinut suliassaqarfik  
Aatsitassanut suliassaqarfimmit immikkoortinneqarsimavoq aammalu royalty-mik  
akiliuteqartarnissaq pillugu piumasaqaatinik atuutsitsisoqalersimalluni. Allannguutit  
inuiaqatigiit aatsitassarsiornermut suliassaqarfimmut piujuartussamut  
naatsorsuutigisaqarnerannut pitsaanerusumik ataqatigiissitsinissaq  
qulakkeerniarlugu atuutsinneqalersimasut.

Allannguutit taakkua ingerlatseqatigiiffiit ilaannit nalorninarloqartinneqarlutik  
tiguneqarsimassasut ilimanarpoq. Allannortoqartillugu tamatigut  
taamaattoqartarpoq – tamanna amerlanertigut allannguutit qanoq  
sunniuteqarnerisut paasinarsinissaata tungaanut annikitsumik  
aalassassimaartitsisarpoq.

Naliliinera malillugu ersarippoq aatsitassarsiornermut periusissap nutaap  
akuerineqarnera pisariaqartumik toqqissititsisoq ersarissititsillunilu, aammalu  
nuannaarutigisinnaavarput Kalaallit Nunaat nunanit aatsitassarsiornermik  
ingerlatsiviusunit, soorlu Nunavut, North West Territories, British Columbia,  
Ontario, Queensland aamma New South Wales siuarsimanagerusumik  
inissisimammata.

Inussiarnersumik inuulluaqqusillunga



Jens-Erik Kirkegaard